



ՀԱՍՏԱՏՈՒՄ ԵՄ՝

Շրջակա միջավայրի նախարար
Հակոբ Սիմիդյան

« 25 » 05 2023թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0098 - 23

Ձեռնարկողը՝

Հրանտ Գուլանյան

Գեղարքունիքի մարզ, Սևան համայնք, Ծովագյուղի 13փ., նրբ.2., 10

Գործունեությունը՝

Ռանչպար	համայնքի	ձկնաբուծական
տնտեսության	համար	նախատեսված
ավազանների	կառուցման	աշխատանքների
շրջակա միջավայրի վրա		ազդեցության
նախնական գնահատման հայտ		
Արարաբի մարզ		

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

РФ № 0098-23

«25» 05 2023г.

Արարատի մարզի Ռանչպար համայնքի ձկնաբուծական տնտեսության համար նախատեսված ավազանների կառուցման աշխատանքների շրջակա միջավայրի վրա ազդեցության նախնական գնահատման հայտ

Ձեռնարկող՝

Քաղաքացի Հրանտ Գուլանյան

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

Արարատի մարզ, Ռանչպար բնակավայր

Ներածական մաս. Արարատի մարզի Մասիս խոշորացված համայնքի Ռանչպար բնակավայրում նախատեսվում է կառուցել ձկնաբուծարան: Ձկնաբուծարան գտնվում է Սիս բնակավայրից 3700մ, Նորամարգ և Ռանչպար բնակավայրերից համապատասխանաբար 3100մ և 200մ հեռավորությունների վրա, տարածքի մակերեսը կազմում է 4.51 հա: Մեծամոր գետի եզրագծից հեռավորությունը կազմում է 150մ:

Հողերի նպատակային նշանակությունը՝ արդյունաբերության, ընդերքօգտագործման և այլ արտադրական նշանակության են, գործառնական նշանակությունը կամ հողատեսքը արդյունաբերական օբյեկտների, գրանցված իրավունքի տեսակը՝ սեփականության:

Նախատեսվող գործունեությունը, հանդիսանում է Գ կատեգորիայի գործունեության տեսակ, համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 3-րդ կետի ա) ենթակետի:

Նկարագրական մաս. Նախագծման աշխատանքների համար հիմք են հանդիսացել 2022 թվականի օգոստոսի 24-ին տրված №24082022-03-0059 անշարժ գույքի նկատմամբ իրավունքի պետական գրանցման վկայականը:

Նախատեսվող գործունեության նպատակն է՝ կառուցել թվով 2 ավագան և իրականացնել Գետածածան, Լոքո և Պնդաճակատ ձկնատեսակների բուծում տարեկան 30-40 տոննա ծավալով:

1-ին ավազանը զբաղեցնում է 11900մ² տարածք, 2-րդ ավազանը 18900մ², ընդհանուր 30800մ² տարածք:

Ձկնատեսակներին բնական կենսամիջավայր ապահովելու համար ավազանները կկառուցվեն ափերից աստիճանաբար խորացումով, որտեղ առավելագույն խորությունը ավազանների



միջնամասերում ըստ նախագծի կկազմի մինչև 3.5 մետր, իսկ եզրային թմբերի բարձրությունը՝ 1.5 մետր:

Ավազանները կկառուցվեն փուլերով՝ 24 ամիսների ընթացքում, ինչը ժամանակ կտա ձկնատեսակների համար ավազաններում բնական կեսամիջավայրի ձևավորմանը:

Նախատեսվում է ջրառն իրականացնել Մեծամոր գետից: Նախատեսվող ջրառի կոորդինատներն են $X = 40^{\circ} 1'15.11''$, $Y = 44^{\circ}22'24.25''$, $H = 825$ մ:

Գործունեության համար նախատեսվող տեղամասի անկյունային կետերի կոորդինատներն են. Կոորդինատական համակարգը ARM WGS84

	Կոորդինատներ	
	X	Y
1	8446728.1192	4432061.2034
2	8446709.3660	4432095.1609
3	8446704.7899	4432101.6589
4	8446698.7088	4432113.8101
5	8446693.9138	4432122.7342
6	8446693.6467	4432142.6795
7	8446693.8527	4432152.7677
8	8446693.9297	4432166.4879
9	8446690.9917	4432174.8400
10	8446686.6846	4432179.8881
11	8446683.6566	4432181.1121
12	8446679.6915	4432181.8921
13	8446668.1314	4432184.1861
14	8446655.7792	4432187.3502
15	8446639.3930	4432192.8222
16	8446623.1168	4432198.5743
17	8446604.2295	4432203.9124
18	8446601.1805	4432203.9164
19	8446599.1214	4432202.2634
20	8446590.2893	4432195.1723
21	8446583.5112	4432097.6919
22	8446573.6711	4432099.5179
23	8446568.9840	4432091.5938
24	8446568.9840	4432075.5545
25	8446565.6920	4432059.6023
26	8446545.2297	4431991.2123
27	8446541.3827	4431982.4852
28	8446539.3907	4431962.3889
29	8446538.3156	4431945.0007
30	8446536.8776	4431936.3435
31	8446534.4486	4431925.7754



- 2 Բեռնատար ավտոինքնաթափ Краз 256 В1

Անհրաժեշտության դեպքում մեծ զանգվածով բեռներ տեղափոխելու համար կօգտագործվի նաև ավտոկրունկ:

Խամելու ջուրը բերվում է կցովի ջրի ցիստեռնով:

Տեխնիկական ջորը մատակարարվում է ջրցան լվացող ավտոմեքենայով: Ջրառը կատարվելու է Մեծամոր գետից:

Կենցաղային կեղտաջրերի հեռացման համար նախատեսվում է բետոնային անջրաթափանց լցարան:

Կենցաղային կեղտաջրերը և կենսագործունեության արգասիքները համապատասխան կազմակերպությունների կողմից, պայմանագրային կարգով, պարբերաբար կհեռացվեն:

Կազմակերպությունների տարածքներից առաջացած չտեսակավորված կենցաղային աղբի ծավալը կկազմի 12տոննա:

Կազմակերպության տարածքում կտեղադրվեն պլաստմասե աղբամաններ, որոնցում կկուտակվի կենցաղային աղբը մինչև աղբավայր տեղափոխելը, որի համար համայնքապետարանի հետ օրենքով սահմանված կարգով կկնքվի համապատասխան պայմանագիր:

Թափոններ են առաջանում ավազանների կառուցման ընթացքում: Թափոնների գոյացման չափաքանակը որոշվել է նախագծային հաշվարկների հիման վրա, որը հավասար է 97800մ³ Թափոնը կուտակվում է ժամանակավոր լցակայանների տեղամասերում, որի մի մասն օգտագործվում է շինարարության ժամանակ խախտված տարածքների վերականգման, ավազանների եզրային բերմանների բարձրացման, և առկա ճանապարհների բարեկարգման նպատակով: Իսկ մնացած մասը կտրամադրվի (չօգտագործված շինարարական թափոնները, հողագրունտ) նույն ընկերությանը տեսակավորման և վերամշակման համար:

Աշխատանքների ավարտին չօգտագործված և չվերամշակված թափոնները (հողագրունտ) համապատասխան իրավասություն ունեցող մարմնի հետ համաձայնությամբ կտեղափոխվի իրենց իսկ կողմից հատկացված վայրում:

Հողաբուսական շերտի գոյացում նախատեսվող գործունեության տարածքում գրեթե տեղի չի ունենում:

Ըստ հայտում եղած տեղեկատվության բուն ուսումնասիրվող տարածքներում ՀՀ բույսերի և կենդանիների Կարմիր գրքերում գրանցված տեսակներ չկան:

Նախատեսվող տեղամասը ներառված չէ բնության հատուկ պահպանվող տարածքների սահմաններում:

Ռանչպար համայնքում պատմության և մշակույթի անշարժ հուշարձաններ հաշվառված չեն:

Շրջակա միջավայրի բաղադրիչների վրա վնասակար ազդեցության մեղմացման/վերացման նպատակով նախատեսվում են հետևյալ բնապահպանական միջոցառումները.

-Աշխատանքների ընթացքում բացառել տեխնիկատրանսպորտային միջոցների երթևեկությունը ճանապարհներից և շինհրապարակներից դուրս:

-Տեխնիկատրանսպորտային միջոցները վարել բացառապես գոյություն ունեցող ճանապարհներով, անհրաժեշտության դեպքում բարելավել այն:

- Շինհրապարակներում, ճանապարհներին և այլ արտադրական տեղամասերում, հատկապես չոր եղանակին, մշտապես կիրառել ջրցան մեքենաներ փոշենստեղման համար:



- Հողագրունտի տեղափոխման ժամանակ, հատկապես չոր եղանակին, բեռնատարների թափքը ծածկել, փոշու արտանետումները հնարավորինս մեղմելու համար:
 - Տեխնիկական միջոցների վառելիքաքսուքային (յուղ, դիզել, բենզին և այլն) նյութերի վթարային արտահոսքը բացառելու համար տեխնիկատրանսպորտային միջոցները շահագործել միայն սարքին վիճակում:
 - Հնարավորինս արագ վերակազմել խախտված հողաբուսաշերտը, եթե այդպիսին առկա է:
 - Կարմիր գրքում գրանցված բուսատեսակների հայտնաբերման դեպքում առանձնացնել տվյալ պահպանվող գոտին:
 - Կենդանական աշխարհի ներկայացուցիչների բնադրման և թխսման ժամանակամիջոցում հնարավորինս նվազեցնել տեխնիկական միջոցների կիրառմամբ աշխատանքները:
 - Ամբողջ շինարարական աշխատանքների ընթացքում հնարավորինս նվազեցնել աղմուկն ու լուսավորությունը:
- Գործունեության ընթացքում իրականացվելու է շրջակա միջավայրի վրա բացասական ազդեցության կանխարգելմանն ու մեղմացմանն ուղղված հետևյալ մշտադիտարկումները.
- Մթնոլորտային օդի մշտադիտարկումներ ամսեկան մեկ անգամ:
 - Հողային ծածկույթի մշտադիտարկումներ՝ տարեկան մեկ անգամ:
 - Մակերևութային, գրունտային ջրերի մշտադիտարկումներ ամսեկան 1 անգամ:
 - Վայրի բնության, կենսաբազմազանության մշտադիտարկումներ տարեկան մեկ անգամ:
- Շրջակա միջավայրի վրա բացասական ազդեցության կանխարգելմանն և մեղմացմանն ուղղված մշտադիտարկումների իրականացման նպատակով նախատեսվում է տարեկան մասնհանել 500.0 հազ.դրամ:

Պատճառաբանական մաս. Արարատի մարզի Մասիս խոշորացված համայնքի Ռանչպար բնակավայրի վարչական ղեկավարի նստավայրում օրենսդրությամբ սահմանված կարգով իրականացվել են հանրային քննարկումներ, որոնց ընթացքում տեղական ինքնակառավարման մարմիններն ու հասարակությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի նախարարությունները, ինչպես նաև Արարատի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական աշխատանքների կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Գործունեությունն անհրաժեշտ է սկսել ձկնաբուծական տնտեսության համար նախատեսված ջրօգտագործման թույլտվության առկայության դեպքում:
- Անհրաժեշտ է ձկնաբուծական տնտեսության համար նախատեսված ավազանների կառուցումն իրականացնել օրենսդրությամբ սահմանված կարգով: Այլ գործունեություն իրականացնելու դեպքում առաջնորդվել համապատասխան գործունեության օրենսդրությամբ սահմանված կարգով:
- Գործունեության իրականացման ընթացքում անհրաժեշտ է պարբերաբար իրականացնել շրջակա միջավայրի բաղադրիչների մոնիթորինգ և արդյունքները ՀՀ կառավարության 2018թ.



փետրվարի 22-ի N191-Ն որոշմամբ սահմանված ժամկետներում և ձևաչափով ներկայացնել շրջակա միջավայրի նախարարություն:

- Իրականացվող աշխատանքների ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական միջոցառումների իրականացմանը, իսկ դրանց չբավարարման դեպքում՝ նախատեսել լրացուցիչ միջոցառումներ՝ ապահովելով բնապահպանական նորմերը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

- Երևակման տարածքում ՀՀ բույսերի կարմիր գրքում գրանցված տեսակների հայտնաբերման դեպքում ձեռնարկել միջոցառումներ դրանց պահպանության համար՝ Հայաստանի Հանրապետության օրենսդրությամբ սահմանված կարգով, համաձայնեցնելով դրանք պետական կառավարման լիազոր մարմնի հետ:

- Երևակման տարածքում ՀՀ Կարմիր գրքում գրանցված կենդանիների հայտնաբերման դեպքում, ընկերությունը պարտավոր է միջոցներ ձեռնարկել դրանց պահպանության համար, բացառելով տեսակների թվաքանակի կրճատումը և դրանց ապրելավայրերի վատթարացումը: Միջոցառումները պետք է համաձայնեցվեն պետական կառավարման լիազոր մարմնի հետ:

- Ավագանների կառուցումից հետո նախատեսել հարակից տարածքների բարեկարգում և կանաչապատում, Կառավարության 08.02.2018 թվականի N 108-Ն որոշման համապատասխան:

Գործունեության իրականացման ընթացքում անհրաժեշտ է ղեկավարվել ՀՀ կառավարության 2015 թվականի մարտի 19-ի N 596-Ն որոշմամբ սահմանված կարգով:

ԵԶՐԱՓԱԿԻՉ ՄԱՍ

Քաղաքացի Հրանտ Գուլանյանի/լիազորված անձ Սեյրան Գասպարյան/ կողմից ներկայացված Արարատի մարզի Ռանչպար համայնքի ձկնաբուծական տնտեսության համար նախատեսված ավագանների կառուցման աշխատանքների շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության

փորձաքննական կենտրոն» ՊՈԱԿ-ի առաջատար մասնագետ

Գոհար Մինասյան

